

UTBYGGINGSAVTALE

Partar:

<i>Utbygger:</i>	LBOB Invest AS	Masfjorden kommune
<i>Adresse:</i>	Nordre Bruås 36	Austfjordvegen 2724,
	5131 Nyborg	5981 MASFJORDNES
<i>Org.nr.:</i>	997 398 335	Org.nr.: 945 627 913

Mellom LBOB Invest AS heretter kalt utbygger, og Masfjorden kommune, vert det med dette inngått utbyggingsavtale for Liarinden bustadområde.

Utbyggingsområdet/ geografisk avgrensing

Avtalen omfattar følgjande område: Reguleringsplan "Liarinden bustadområde" ID: 1266-20120002. (I hovudsak gnr. 37, bnr. 87 i Masfjorden kommune). Dersom det blir behov for å erverve eller disponere areal utanfor planområdet må dette avtalast særskilt.

Grunnprinsipp:

Utbyggjar dekkjer alle kostnader til opparbeiding av kommunal infrastruktur som veg, vatn, avlaup - samt leikeplassar og fellesareal.

Når anlegga for veg, vatn og avløp er ferdigstilla skal utbyggjar overføre desse vederlagsfritt til kommunen - som seinare skal eige, drifte og vedlikehalde anlegga - fram til grensa til den enkelte tomt.

Kvalitet og kvantitet på tekniske anlegg skal i utgangspunktet vera i samsvar med norsk standard men etter nærare spesifikasjonar dersom det vert skriftleg avtala.

Før tiltak i terreng kan starte opp skal teknisk plan frå utbyggjar godkjennast skriftleg av kommunen.

Ferdigstilling og overføring av anlegg til kommunen skal gjerast skriftleg etter synfaring og godkjenning av begge partar.

Kommunen kan krevje avgift/gebyr overfor tomteeigar som er påkopla kommunalt anlegg i drift frå det tidspunktet kommunen formelt har overteke tekniske anlegg.

1. Generelt

1.1 Formål

Utbyggingsavtalen skal sikra utbyggjar tryggleik ved felles forståing av råmer for tiltaket mellom partane - og sikre gjennomføring med minst mogeleg uavklarte forhold.

Avtalen skal sikra at utbygginga vert gjennomført i samsvar med kommunale planar for området, at tekniske anlegg får ei forsvarleg utforming/kapasitet, og er av ein kvalitet som er akseptabel og i samsvar med "Norsk standard". Det er ei viktig kommunal oppgåve å sikre at drift og vedlikehald av offentleg infrastruktur er effektiv og samfunnsøkonomisk forsvarleg.

2. Utbyggjar sitt ansvar

2.1 Utarbeiding av teknisk plan

Det skal utarbeidast ei komplett teknisk løysing for planområdet - som dokumenterer praktisk gjennomføring av alle anlegg: veg, fellesparkering, leikeplassar, vatn og avløp, veglys, straum, nettkabel. Teknisk plan skal også dokumentere behandling av overflatevatn. Kvalitet og kapasitet på dei ulike anlegga skal beskrivast og dokumenterast i planen. Teknisk plan skal godkjennast skriftleg av kommunen før tiltak startar opp.

2.2 Omfanget av utbygginga

- Utbyggar forpliktar seg til å planleggje og ferdigstilla området for bustadbygging klar for sal av tomtar.
- Utbyggjar skal ta følgjande oppgåver:
 - Erverv
 - Detaljprosjektering
 - Utbygging av alle tekniske anlegg som veg og veglys, vatn, avløp, straum og nettkabel.
 - Opparbeiding av eigedommane
 - Opparbeiding av alle fellesområda

2.3 Veg, veglys og parkering

Køyreveg i feltet - og avkøyrslar til/frå denne - skal utformast i samsvar med vegnormalen type A2. Køyreveg skal byggjast på fjell eller steinmassar. Køyreveg skal ha vegbelysning i samsvar med belysningsklasse CE5.

(Snuplassar bør etablerast på enden av KV04 - men dette er i strid med reguleringsplanen) Kommunen kan overta veganlegg når det er ferdigstilt med asfalt i samsvar med vegnormalen. Vegareal som skal vera eit kommunalt ansvar skal delast frå med eige gards- og bruksnummer før overtaking.

Parkering

Fellesparkering for eksterne brukarar av småbåtanlegg må avklarast i teknisk plan då det ikkje er køyreveg til båthamna - og ikkje avklart parkeringsplass i reguleringsplanen.

Veglys

Veglys skal som utgangspunkt etablerast i samsvar etter vegnormalen - men plan for veglys må godkjennast av statens vegvesen og dokumenterast før tiltak vert starta opp.

2.4 Drenering

Handtering av overflatevatn i feltet skal dokumenterast i teknisk plan (avklare behovet for stikkrenner, grøfter, kummer, sandfang etc.)

Overflatevatn frå fylkesvegen skal i utgangspunktet ikkje ned i feltet. Alternativt må anna løysing dokumenterast i teknisk plan.

2.5 Vassforsyning og avløp

Kommunane overtek hovudleidning for vatn og avløp når det er godkjent og ferdigstilla fram til tomtegrenser.

V/A- anlegg skal liggje i fellesgrøft med andre leidningsanlegg på frostsikker djupne - med påkopling til kvar enkelt tomt i grense - og med stoppekran for vatn.

Kvalitet av borehol for vassforsyning skal sikrast m.a. gjennom klausul av nærområdet. Dersom borehol ligg utanfor planen må utbyggar dokumentere rett til slik bruk - og syte for nødvendig klausul i samråd med kommunen.

Det skal leverast komplett pumperigg - med trykkpump og uv-anlegg. Anlegg med alarm/utringarfunksjon ved driftstans.

Brannkumme skal etablerast i enden av fortau (FT03)

Kommunen skal overta alle anlegg for vassforsyning og avløp. Utbyggjar må slik sikre kommunen eigarrett av anlegga fram til kvar tomtegrense for bustader - og rett til tilgang av kommunale anlegg på annan eigedom.

Anlegg for avløp skal leverast i samsvar med føresegner etter ureiningslova kap. 13 for avløpsanlegg > 50PE. Utløpsslange skal ut på minimum 10 meter djupne i sjø.

2.6 Utbygging langs FV 570

Utbyggjar skal også forskottere og vere byggherre for tekniske anlegg og fellesområde langs fylkesvegen. Dette arbeidet må dokumenterast og avklarast i skriftleg avtale med Statens vegvesen.

3. Kommunen sitt ansvar (teknisk- og grøn infrastruktur)

3.1 Kommunen sine rettigheter og plikter

Kommunen skal drifte og vedlikehalde dei anlegg kommunen skriftleg har overtatt etter ferdigstilling. Drift og vedlikehald skal skje i samsvar med norsk regelverk og i høve til den kapasitet feltet treng.

For dei anlegg kommunen har overteke kan kommunen krevje inn gebyr/avgift av dei eigedomane som blir kopla til kommunale anlegg i drift.

4. Diverse

4.1 Kommunal deltaking i byggemøte for sikring og kontroll - samt overtaking.

Dersom det blir aktuelt å avvike frå teknisk plan i gjennomføring så skal kommunen v/ teknisk drift kallast inn til byggemøte. Møter og samtalar undervegs vert gjennomført etter behov. Teknisk plan skal skriftleg godkjennast av teknisk drift - og overtaking skal skje etter felles synfaring og underskriven formell protokoll.

4.2 Tinglysing

Avtalen vert utferda i 3 – tre eksemplar, der kvar av partane beheld kvart sitt, og eitt er for tinglysningsmyndigheita dersom utbyggjar ynskjer tinglysing.

4.3 Trer i kraft

Denne avtalen trer i kraft når den er underskrive av begge partar.

Masfjordnes,

For Masfjorden kommune
